

京師坊巷志

六



京師坊巷志

考正 鐵良題



南林
劉氏
求恕
齋刊

上海古籍
書店重印

京師坊巷志考正

吳興劉承幹撰

朱蓉生侍御與繆藝風參議所纂京師坊巷志余既爲之校訂付梓矣惟志坊巷者其體例當如明人坊巷衞衙集及近人唐兩京坊巷考以坊隸巷以巷隸寺觀居宅方爲名稱其實抑或依宸垣識略例分爲內城東西外城東西亦自直截今止第一卷有中西坊中東坊之分二卷以後則全無坊名是名爲坊巷志而自相違戾矣觀其用意固欲以五城分京師其例本之日下舊聞非無依據但舊聞係沿明之舊自順治以後內城分八

旗外城分五城顯然不同故宸垣識略實用此體最爲
適宜今內城五城界址久湮坊官所列城冊東西易位
者有之前後重複者有之不足援爲典要因條舉謬誤
重加釐訂以附於後云

卷一

東華門外南長街

南河沿 燕史河上有湧福閣俗所謂騎馬河也原
作湧福宮舊名澄輝閣俗云騎河樓也此蓋沿俗本
之誤

菖蒲河 則御作也原文作御前作

東河沿 再北有亭居橋上以酌中志考之此亭不在橋上此亦沿舊聞之誤

南箭亭 每屆八旗鄉會試 欽派王大臣於此閱視騎射此漏載

緞匹庫 蕪史洪慶宮原文作洪慶殿再東原作東南

又舊聞考小南城下漏地字

瑪噶喇廟 按卽普度之譯文非有二名也碑文可證

又舊聞考原文作廟東無緞匹庫庫神五字

東安門大街 武英親王府考宗室王公表但作英親王無武字本傳亦無之王以罪廢亦無諡

又光祿司下案語謂查浦詩非詠光祿寺之酒房謂藤陰雜記係於光祿寺者爲誤不知紫禁滄洲扁在光祿寺一也張元易於光祿寺種竹非種於大內二也光祿寺酒房名長春房采四時花釀酒三也光祿寺酒房凡七層四也查浦詩蓋偶誤記長連短連爲光祿寺事耳不得云載之光祿寺者爲誤且長連短連在神武門內非查浦之所能至也

東華門外北長街

騎河樓 左文襄 宗棠 居南池子按文襄居在南池

子北口當移前南長街下不應在此

煖閣廠衙衙 冥器廠冥字原作明

馬神廟 一等忠勇公傅文忠 恒 第在馬神廟此府

於光緒中改大學堂此漏書

東黃瓦門 舊聞考其碑文原作寺碑文

內府庫 此地今呼供用庫無內府庫之稱

織染局衙衙 蕪史絹匹原文匹作帛

巾帽局衙衙 明職官志內史原作使又靴下原有

帶字

火藥局衚衕 鑲黃旗侍衛場當作教場

南月偃 土人實名月牙兒衚衕改爲月偃則失其

真

西華門外南長街 蕪史原文作稍西曰石作曰圓明

閣又西曰乾明門門裏迤南曰兵仗局此誤

南花園 蕪史其置置原作衙門又石灰瀘渣原作

瀘出石灰草渣

油漆作 明漆作本名油漆作天啟中因避諱改見

酌中志

又雪池冰窖爲內冰窖當屬御用監九門冰窖爲外

冰窖當屬內官監舊聞考並不誤也此卻誤

織女橋 蕪史鈔錄膳授原作鈔膳授受

西華門外北長街 以地之準望論則當先及福佑寺
昭顯廟後及內務府各署而後及 承光殿蓋至承
光殿已爲北長街之極北而抵禁城西北角樓矣此
處次序未明

又湧幢之所謂石骨者疑是南京西華門北京大街
曷常有石若南京則誠有之矣

按敘承光殿金鰲玉螭橋旣畢出西三座門當首及
小馬圈酒醋局羊房夾道一路今忽捨街北而首及

街南且此皆西安門大街之支巷則更當先及西安門內大街然後先北後南令觀者醒目今南路則由東而及西北路則由西而及東幾疑爲兩條街遂令閱者眼花目眩如入迷樓矣宜改正

東西翰林街

蠶池口 天主堂今移西十庫此漏書又蕪史門旁東原作門之東

拜斗殿 夢餘錄壽明殿壽明門此沿舊聞之誤本書則作壽明洞也

餽餽房 有內務府營造司所屬餽餽房按餽餽房

卽明代之甜食房當屬茶膳房不屬營造司營造司專司繕修大內各工及薪炭耳

炭廠 蕪史五石一斗原作五斗

惜薪司衙衙 蕪史內宮柴炭原作臣誤爲宮

西安門大街 此所敘乃由西安門大街街北一路由西而東如是則不宜先及金鰲玉螭橋及福華門小馬圈等處乃旣及此而下忽又從鴿子房西十庫敘起則忽東忽西方向莫辨此由作者未親至此處但憑坊冊地圖耳宜改

西十庫衙衙 光緒初以西十庫地給法國教堂以

易蠶池口地因 慈禧太后移居西苑蠶池口地偏
苑外俯臨不便謀令徙之總署計窮時副都統恩佑
與法主教樊國樑稔自稱能任其事乃以西十庫地
易之地既倍於初而十庫久頽及法人發地大有所
獲始知庫雖頽物固在也然不可追矣恩竟以此蒙
優賚焉

劉鑾塑 天慶宮內塑三官及天師像見於鴻雪因
緣記中而其東配殿中文昌像傍二配像尤妙絕俗
稱天聾地啞者天聾作側耳勢地啞則兩目上視作
不能言之狀其用意非後人所能及惜庚子之亂折

毀盡矣

經板庫 引燕都游覽志云云今藏書家所謂明內
府板者卽此庫之板也

羊房夾道 俗又有云當作養鳳者因明孝穆皇后
曾居以養病也

又蕪史羊城原作羊房

小馬圈 蕪史金海二字原作玉河

又小馬圈內內府巨室多居此光緒中 孝欽太后
開拓北海遂折其屋收入苑中

旃檀寺後 按旃檀寺後地名五龍亭居人多內務

府巨室庚子之變吉林將軍延茂舉室自焚左右鄰
自焚者極多此漏載

教場 此校場爲上三旂侍衛校場八旂鄉會試前
本旗都統於此試騎射

又野獲編張居正請穆宗習射此條今本野獲編無
之考穆宗亦無內教場習射事未知所本

地安門西夾道

大小石作 樂部在陟山門之南非迤北也又蕪史
有閣二字原作曰圓明閣

冰窖 蕪史搭材作下漏去工字又明宮史作東行

西行酌中志作東作西作未知孰是

又此冰窖今尚名雪池冰窖冰之最上者入此其冰皆取之玉泉山及御河以供大內用冰九門冰窖以頒百官本朝歸工部管理若內官監所屬者當是九門冰窖謂之外冰窖御用監所屬則雪池冰窖爲內冰窖此未分晰

魏家衚衕 蕪史原作萬法殿等處此誤作等殿
狗鷹衚衕 此地今有高臥衚衕或卽狗鷹所改
又此地仍有官房租庫其衚衕內名

三座廂 三座廂又名三炷香衚衕

內宮監衛衛 按其地有素雲觀此漏

卷二

棋盤街 棋盤街兩廊舊日皆賣花翎及鞍鞞雨衣者

東廊下桂林軒香雪堂脂粉最有名庚子後東廊地
入租界廊遂拆去西廊依舊

正陽門內東城根 有大學士朱文端鳳標第此漏載

戶部街 富貴街以其北爲吏部南爲戶部而名內
倉南爲工部木倉戶部門口羊肉肆五香醬羊肉名
天下其煮肉湯已二百年不易庚子之亂湯敗始易
之肉味遂不及前

韃子館 韃子館爲蒙古貿易人所居此爲裏館復有外館在安定門外此云俄羅斯館甚誤

東長安街 京師井水以德勝門外爲第一安定門內次之王府井及長安街又次之餘多鹹苦不可飲

又引舊聞考元時大都城南面在今長安街若今翰林院地當在城外侍儀司旣在都省之東豈都省亦在南城之外乎此說未安

又翰林院署自庚子之亂爲董福祥軍所燬後遂入租界

又引菽園雜記云云今則兩長安街無上等住戶

崇文門內西城根 臺基廠徐蔭軒相國桐第在臺基

廠庚子被毀於武衛軍今地入租界

白家柵欄 引天閣集云云案莊烈帝所叩實嘉

定伯周奎第入 國朝爲蒙古博爾濟吉特氏所居

俗遂呼爲白家大門又曰白家柵欄其屋至光緒中

尙在載之天咫偶聞今此有白家大門又有白家柵

欄者其第前門在崇文大街者曰大門後門在御河

沿者曰柵欄

花枝營 宸垣識略作花子營

四王柵欄 安親王卽饒餘郡王子晉封親王改號

曰安前臺基廠下已見此重出

中街 有大學士湯文端

金釧

第此失載

正陽門內西城根

有大學士文文忠

祥

第此失載

喜春衚衕

喜通衕衕亦作汲桶衕衕此作喜春誤

西江米巷

後府衕衕

五軍都督府與五軍營按五軍營地在

北郊安定德勝二門之間黃寺之南今爲八旗校場

並未廢與五軍府係兩地此誤合爲一

炊除衕衕

炊竹誤作炊除

又工部四司外有製造庫節慎庫硝磺庫鉛子庫料

估所皆有掌印主稿與四司同

京畿道 禮部會同館在東玉河橋西已見前正陽門東城根條下此處有會同館則未之聞俟考

西長安街 行人司有井水甚甘見野獲編今不可考
宣武門內東城根

高低衚衕 本作高底不作低此誤

卷三

宣武門大街 嘯亭續錄貝子穆爾祐與杜爾祐似均沿坊刻宗室王公傳之誤本是祐字宜改正

又引析津志云云此雖云在順承門裏其地則在今

西單牌樓以北緣元之順承門卽今西單牌樓地爾
宣武門內西城根 貝子準達宗室王公傳作敦達亦
有作準塔者

又年羹堯賜第在宣武門內之東地名年家衚衕今
訛碾兒衕衕至今居人尙能言其所在續錄所言右
隅者謂入宣城門而右也

頭髮衕衕 二卷末已見此複出

又燕都游覽志原文上有真如寺北向以其背象房
而立也此將二句刪去遂不可解

承恩寺街 燕都游覽志云寺陞爲古雪堂爲戒壇

下院王恭廠災後益就傾圮此未詳載

頤房衚衕 損誤頤

前後王恭廠 前王恭廠後王恭廠當分列之

豬尾阬 當作豬尾巴衚衕

石鐙菴 按日下舊聞並無貞觀經幢之說考長安

可游記帝京景物略均云唐廣德二年少府裴監施

朝請郎趙偃書景物略又云萬厯丙午西吳僧真程

自雲棲來居發古鰲下得石幢一式如鐙臺旁鐫般

若心經一部唐廣德二年少府裴監施朝請郎趙偃

書黃儀部

汝亨

書額稱石鐙庵焉並無貞觀經幢此

似因淤泥寺心經而誤淤泥寺卽今鷲峰寺在城隍廟南別是一幢與此無涉

太平湖 謚顯榮重榮字

又醇親王府今改光顯寺邸中園尙存此漏載

又雲繪園卽榮正園也

槐抱椿庵 槐抱椿庵當作槐抱椿觀音庵寺院冊誤作寺前冊

察院衚衕 明代三法司皆在西城此衚衕在刑部街西或是都察院所在爾

安達公街 諳達乃滿洲語保氏之稱見嘯亭雜錄

蒙古語亦相同此云火伴誤也然此安達公街當屬
公號未必是諧達二字此沿俗稱而訛

此書卷一敘皇城內卷二敘正陽門內東西城根
此下自宜依先東後西之例先自崇文門大街敘
起直至北城然後再敘宣武門大街亦直至北城
始足令觀者一目了然今卷三以下忽改從宣武
門大街敘起乃所敘不過數葉而又忽敘東城王
府大街直至卷四之末至朝陽門南小街止卷五
開始則又接此卷三十葉以後西單牌樓敘起忽
東忽西茫然莫辨矣

王府大街 有井處地名王府井此漏載

東安門外南夾道

大甜水井 倫貝子為貝勒載志子隱志郡王之孫
此誤以為隱郡王之子大誤

東安門外北夾道

錫蠟衚衕 有王文敏懿榮第此失載

東廠衚衕 瑞文莊相國麟第在此沈文定相國桂

芬 在其西

太平衚衕 直隸總督裕壽山祿第在此志失載

晾果廠 刑部尙書崇地山厚第在此志失載

大小取鐙衚衕 此地名八棵槐卽瑤華道人故居
今槐尙無恙瑤華爲誠郡王子取鐙衚衕卽誠府後
門

地安門外東城根

炒豆衚衕

有繼勇侯德壯果

楞泰

第此失載

板廠衚衕

刑部尙書舒雲溪

興阿

第大學士賽尙

阿第均在此志失載

雨兒衚衕

坊巷集作雨籠

福祥寺衚衕

宸垣識略云簔衣寺卽今福祥寺蓋

寺在西而簔衣衚衕至此與福祥寺衚衕合爲一巷

然坊巷集則分列之是明代已爲二寺矣

又石丈齋誤作文

錢棹衎衎 當作錢棹子衎衎誤脫子字

羅圈衎衎 圈平聲卽捲之俗體大學士桂文端

良

第在此志亦失載

大小東岳衎衎前後王爺廟 大小前後均係兩巷
名當分列後似此者甚多均宜分列

太僕寺街 旣引舊聞考明太僕司在今兵部夾道
矣則此下諸條皆宜係之於彼或係之於今太僕司
署後亦尙可行若此太僕寺街僅名爲太僕寺街而

實非太僕寺署也係此何爲考之元大內在今大內之西右干步廊正在今雙塔寺之北則太僕寺街乃元代太僕寺之地明初展京城各官署均移而南故明太僕寺乃在今兵部夾道是元明清三代太僕寺已三移其地矣又按明坊巷集小時雍坊有太僕寺則明初太僕寺或仍元舊嘉靖以後遷至今兵部夾道亦未可知然如史道碩畫旣係王世貞刻石則不當在此自當移之今太僕寺下爲是

西安門外南夾道

乾石橋東斜街 淳王府在齊化門東斜街非此東

斜街也宜刪

背陰衚衕 複出宜刪

西馬市街 坊巷衚衕集燕山左衛在阜財坊不在安

富坊

西安門外北夾道大小紅羅廠 鐵梅庵被火後移居

太平倉 承澤親王既改號曰莊則自宜從改者書之況此地今無人不呼莊王府舊封久無知者宸垣識略則作莊親王府在北毛家灣蓋府東門在太平倉西門在毛家灣耳

前毛家灣

勒襄勤公

保

第在此志失載

地安門外西城根 此地如白馬關帝廟藥王廟嘉興寺半藏寺皆名跡日下舊聞敘之甚詳今皆略之至賢良祠宛平署亦宜稍詳此均傷於略

護國寺街 蒙古刺麻蒙古二字贅以刺麻本無中國者耳

興化寺街 西有長橋街亦名廠橋北直至德勝橋其地當卽司設監外廠所在此漏未載

馬狀元衚衕 麻勒吉漢名馬中驥此馬狀元所由來非音轉也

白米斜街 張文襄之洞 第後改直隸館

卷四

崇文門內東城根

孝順衚衕 坊巷集作孝順牌衚衕

又孝順衚衕藥店小兒科蚵蚘散爲家傳秘方不肯
傳人庚子之亂藥肆燬此方遂失

釣兒衚衕 釣兒坊巷集作鈔兒

江擦衚衕 當作姜礫見字典坊巷集作江聰衚衕
五老衚衕 坊巷集作吳老

又此地有姚治國胡同俗呼油炸鬼衚衕實卽坊巷
集之姚鑄鍋此漏載

箭杆白衒衒 卽坊巷集之建平伯衒衒

溝沿頭

泡子河 太清宮顧起元碑尙存此漏載

呂公堂上坡 天咫偶聞於京師舊蹟頗有考證出於前人之外者乃此編不肯引以爲證所引多取寫景之閒辭可云買櫝還珠矣

飯瓶衒衒 或作飯匙瓶實則范子平之譌前有范子平衒衒此宜刪去

裱梢衒衒 盛伯曦司成昱第有意園此漏載

羊肉衒衒 當卽坊巷集之揚州衒衒

官帽衚衕 坊巷集作冠帽

觀音寺衕衕 舊聞考寺內藤胎海潮觀音像一相
傳明代出之內府此漏載

新開路 新開路實無寧郡王府卽今怡王府在東
單牌樓大街新開路是府後街也此宜刪

總鋪衕衕 天咫偶聞在元貞觀之東觀誤作宮東
誤作北又特恭愼公官兵部尙書太子少保此作左
都御史尤誤此宅後來大學士恩文恪承李文忠鴻
章相繼居之今改李文忠祠矣其東德靈皋尙書興

第再東鍾仰山侍郎昌第

東鬧市口

水磨衚衕 疑卽坊巷集之隨磨房衚衕

觀象臺 以吳師道城外記游詩考之如曰故橋舊市不復識祇有積土高坡陀清臺突兀出天半又云細書深刻皇祐字又云長春宮苑最宏麗此蓋游金之故城而作則臺亦金之臺當在西便門外長春宮側今引之以證此臺失之遠矣此臺乃元代所建者又以柴市亦在南城則尤誤

又坊巷集明時坊無羽林右衛武功左右中衛考武功左衛中衛在小時雍坊武功右衛在思城坊此誤

引

舉場東西夾道 光緒乙酉始拓貢院以北頂銀衚
衕民居入貢院此漏載

頂銀衕衕 已入貢院此不必載

福建寺營 卽坊巷集斧鉞司營

牛角灣 已見前此複出

又野獲編石亨第傍一大宅卽石氏偏旁廳事亦弘
敞過他第數倍今爲寧遠伯李成梁賜第此漏未載
石大人衕衕 引帝京景物略原文作今庚歸冉庚
者更也此改爲成國公朱庚則似成國公之名大誤

遂安伯衎衎 延恩侯朱之連此作朱子榘誤

句闌衎衎 大學士諡文端瑞芝生常第在此志漏

載

又引惕菴年譜以鴻雪因緣考之初無此說則下注
完顏麟慶者果何所本且麟亦無惕菴之別號也

前後炒麪衎衎 卽坊巷集之炒米衎衎

朝陽門南小街

大小羊宜賓衎衎 羊坊巷集作楊

下堂子衎衎 名趙堂子衎衎並不名下堂子衎衎

此誤

牛角灣 已見復出前之鬧市口牛角灣次之福建
寺營牛角灣與此雖有三名實則一地以其巷曲折
故致如此當於鬧市口一見足矣餘二宜刪

八大人衚衕 坊巷集作把台大人

就日坊北大街 怡王府以鎮國公某襲按公名載敦
煤渣衚衕 怡親王府改爲賢良寺者在冰蓋衚衕
非煤渣衚衕在煤渣衚衕者名太平寺始於明代地
甚小此誤爲一寺

金魚衚衕 宸垣識略云左翼宗學在鎧市口且此
條當列前史家衚衕下不當在此

西堂子衎衎 大學士英文勤桂第在此志漏載

鏡市口大街 燕都游覽志相望俱高樓望原作對

佟府夾道 引蕪史考坊巷集無寶和福吉寶延而有吉慶福順寶源疑有所更改而二書同時所著何相徑庭如是

東馬市街 近東者亦稱肉市屠家所聚也

神路街隆福寺 坊巷集仁壽坊無府軍後衛

錢糧衎衎 帛公第案語前以弘皎爲怡親王次子是也此又作長子則誤

大佛寺後 按善撲營布庫每朔望演躡躑於此寺

觀者如堵此漏載

十景花園 適景園今改爲住宅在衚衕之極東

又張園在鐵獅子衚衕卽田皇親府今爲志靄雲尙
書第園固無恙石臺尙存後牆外正對文丞相祠已
載天咫偶聞此未引

八條灣

賽岸亭

音布

有題八掉灣儻居詩行以無

營潔名因不出高婦勤須任嬾子大況分勞束縛柴
門正坊墁土屋牢生涯免溝壑努力任風騷今作八
條灣誤

馬大人衚衕 馬大人坊巷集作馬定大人

汪芝麻衻衻 坊巷集作汪紙馬

嘎嘎衻衻 坊巷集作噶噶

中翦子巷 棍公第按公名棍楚克林沁科爾沁蒙

古公也

鐵獅子衻衻 那公名那蘇圖亦蒙古公也

府學衻衻 順天府學在府學衻衻之西口其西卽
已無餘地文丞相祠緊偏府學之東其中絕無隙地
可容一會館春明夢餘錄所云未可信也

又引眞珠船高坡衻衻按坊巷集大時雍坊有高坡
衻衻地近紅井衻衻疑卽今之高牌衻衻茹之居當

在此府學衎衎未聞有此名

大興縣署衎衎 帝京景物略新寧伯考本書作新寧遠伯此漏遠字

香兒衎衎 沈志祥明末隨孔耿尙三王投降三人封王次及於沈沈力辭王封遂封公世襲至今今移居西直門內此第易主久矣

又香兒亦作香餌

東大市街 引消夏錄云云按與中和殿相直之三郎廟在乾麪衎衎口外西對鐘市口此二郎廟在四牌樓北相去甚遠誤爲一也

朝陽門大街 案市今尙存五字乃舊聞考案當注舊

聞考三字方明晰

又引湛然居士集築義井精舍於開陽門之郭誤以
元代城爲金代城開陽門乃遼都城東南門在今右
安門之外地近豐臺去此絕遠此失考也

九條衚衕 引疑兩集曲折衕衕到九條絕非今之
九條衕衕今九條衕衕毫無曲折當是用唐人北里
志平康九曲之語此誤會可刪

十一條衕衕 抄手衕衕坊巷集作抄紙

汪家衕衕 明五城坊巷集南居賢坊卽有汪家衕

衎此或沿舊稱不必始於文端也

九條灣 條當作掉又西廠門當作西倉門

又船板衎衎 大學士竇文莊興第在此志失載

瓦又衎衎 瓦岔衎衎本不作又此誤又失載辛亥

殉國閩浙總督松忠節壽第

朝陽門北小街 怡親王府案語府今廢按載垣被罪

後府卽賜孚郡王非廢也澍貝勒府卽怡親王府

東西燒酒衎衎 惇親王府卽恆王府改賜本非二地

卷五

舊刑部街白廟衎衎 坊巷集作白帽

溝頭 當作溝沿頭

安元衒衒 當作按院衒衒

捨飯寺衒衒 坊巷集死者與棺此誤與爲有

皮褲衒衒 迺西曰二龍阮神機營勝字步隊廠按

此廠卽大學士肅順故居籍沒後無人居之故改爲

廠

大木廠 坊巷集作打磨廠

南中北太常寺 寺下脫街字

南中北寬街 如冠九廉訪止故居此失載

南中北篋子衒衒 高叉拉當作高柵欄

粉子衚衕 海軍衙門設粉子衚衕不久卽撤終始
不及十年此漏載

豐盛衚衕 吏部尙書承恩公乙丑狀元崇文節綺
第在此志失載

大小阮兒衚衕 今此地名燕兒衚衕不作阮

輒塔衚衕 引帝京景物略湛然下脫居士二字

鷲峰寺街 唐淤泥寺心經在此見日下舊聞此漏載
城隍廟街 據帝京景物略廟東有彌教坊此必明
代刑部街之坊也久廢

又引析津志坊東爲金玉府原文無爲字所蓋八座

貯藏經板甚精原文作所蓋八座藏藏經板在內甚
爲精製

按院衙衙 此按院衙衙與前之安元衙衙卽一地
因衙衙甚長此遂誤分爲二宜刪

屯絹衙衙 大學士剛子良毅第在此志失載

機織衙衙衙 坊巷集作濟州衙

武衣庫 烏衣庫衙衙在華家寺南武定侯北此誤

阜成門大街

帥府衙衙 引坊巷集燕山前衙衙舊聞考無前字

石老娘衙衙 尙書許文恪乃普第在此志漏載

石碑衚衕 當作石碑衕衕此蓋沿宸垣識略之誤
西方寺今尙在光緒己亥鎗礮廠之震寺大殿無恙
僧房盡焉

八條灣 條當作掉

酥蘿蔔衕衕

東廊下中廊下西廊下 今按其地南爲宮門口少
北分爲二岐一曰東廊下一曰西廊下蓋昔廟之兩
廡也而無中廊下此蓋沿宸垣識略所圖而實無其
地

吉祥衕衕 當作吉祥寺衕衕

小翠花街小太平街 宸垣識略皆無小字

沙刺衚衕 北語呼柵欄音如沙刺前門外大柵欄
卽作此音不必改爲沙刺

柵欄衕衕 此卽前沙刺衕衕重出當刪

大小陳綫衕衕 坊巷集作陳信家大陳綫衕衕小
陳綫衕衕原兩衕衕此并爲一地

柳巷 此柳巷在阜成大街四條衕衕五條衕衕之
閒地鄰朝天宮今此列之於衛兒衕衕草廠衕衕半
壁街之閒相去且數里之遙矣宜改

草廠衕衕 瑞親王府在東城奶子府草廠衕衕載

之於此誤甚

前中後毛家灣 此毛家灣無前中後其有前中後者太平倉莊王府前去此甚遠

觀音寺衚衕 當作西觀音寺衕衕

西直門南小街 惇親王府在齊化門北小街此爲西直門南小街相去遠矣

西直門南順城街 今都城隍廟後有空地名花園宮卽廟之後園或卽月張園宣家園址又按此條當載之前阜成門內南順城街之下不當在此此則西直門內順城街相去甚遠

西直門大街 明坊巷集日中坊有曹老虎觀是此觀
本名曹老虎且由來久矣未必始於化潭也

頭條衚衕 此前漏去新街口一地名宜補

寬街 正黃旗漢軍都統署在丁家井前已見今又
複出且地名不同宸垣識略亦云在丁家井此宜刪
去

西直門北順城街 靖逆侯張勇 府在北順城街此漏
載

北嘎嘎衚衕 衍北字且失載戶部尙書景秋坪廉 第
三不老衚衕 三不老卽坊巷集之三保老爹衚衕

漿家房衚衕 漿家房明代稱漿絳房

又城中引水獨此及成邸耳不知恭邸府及玉河橋
潭王府均引水入園

鈔手衚衕 引燕都游覽志清涼幽趣舊聞考作清
深

又高廟卽藥王廟大門在蔣養房衚衕四公主府後
大門不開側門由委巷中入有樓名日下第一樓爲
內城登臨勝地士夫宴集多在此處此失載

板橋頭條二條三條衚衕 板橋衚衕西單牌樓有
之北新橋有之此則名板橋頭條衚衕而非板橋衕

衙高塞第未必在此

西水關 引燕都游覽志巍然傑構舊聞志構作堵
又明水軒日記淨業寺門臨水岸去水止尺許其東
有軒坐蔭高柳荷香襲人江南雲水之勝無以過此
案此寺至今猶無恙

卷六

定府大街 慶親王府本在三轉橋咸豐中改賜恭邸
乃以琦善籍沒第賜王孫貝勒奔助後晉封慶親王
此未能詳其始末

大小翔鳳衙 俗呼大牆縫小牆縫未知何從爲

是

銀錠橋 引燕都游覽志四望城外原文作西望又
迫且障也原文迫作逼

鴨兒衚衕 案析津志廣化寺在日中坊雞頭池上
元時有僧居之日誦佛號每誦一聲以米一粒記之
二十年積至二十石因以建寺此漏引

煙兒衚衕 卽鴉兒衚衕北音二字不分

河沿 櫛貝子卽成王曾孫此府後賜醇邸貝子移
居西直門街

簪兒衚衕 湯右曾瑞應寺碑云康熙五十二年揆

敘拓而新之 聖祖賜名瑞應其年五月寺中文光
果結實並蒂云此漏載

鼓樓西斜街 金代都城在元上都城之西南今瓊
華島已居金城極東北此又在其北決非烏珠所居
以其在郊外也二卷翰林院下引舊聞考以翰林署
之縈帶玉河則自元迄今未改其說本之瀛洲道古
錄而宸垣識略亦引析津志之說於今翰林院下謂
爲金之北相莊其說已覺可疑何也以今翰林院地
亦在金京東北城外也若今鼓樓街在金代爲北郊
外地恐尤非是此蓋因日下舊聞承析津志之說以

國史院翰林院并而爲一遂有此誤其實金元兩代
翰林地各不同元代翰林院自在城南卽今之翰林
院庚子後併入外國使館而國史院則在北或卽在
鼓樓西街此皆元代所建也若金代之城則在今京
城西南城外元代謂之南城翰林院亦必在南城中
也

西條兒衚衕

八條灣 當作八掉灣

鑄鐘廠 夢餘錄本作漢經廠並無華嚴鐘廠之名
前後馬家廠 宜春字侍郎 振 第有園名蝶夢戴文

節公熙曾館其家坊巷集作馬厰衚衕

又前後無水句下應有末字

舊鼓樓街 清虛觀咸同閒有道士王裕芬鄭府宗

室也工詩凡醮祭青詞多以詩代之寶竹坡侍郎與之唱和篇什最多此失載

又引析津志正面原本作正南 中心臺原本有之字

張帽衕衕 宸垣識略作張旺兒今俗呼亦然無張帽之稱

鼓樓大街 析津志所言各市爲元代鐘樓卽今舊鼓

樓大街地似當移於舊鼓樓街下不當在此

又霏雪錄一條亦當移舊鼓樓街

又引燕都游覽志張公海棠二株今此花久已無存
且不知其處所可以不載

豆腐池衚衕 坊巷集作豆腐陳

高公庵衚衕 寄園寄所寄下不當有錄字

國祥衚衕 坊巷集作鍋腔今亦呼鍋腔並無國祥
之稱此南音之誤耳

沙拉衚衕 沙刺之爲珍寶當是蒙古語若滿洲語
沙刺衣襟也無珊瑚之說

財神廟 廟當作殿

大小經廠 坊巷集作醫學外經廠

謝家衚衕 坊巷集作解家衕衕

伽藍殿衕衕 坊巷集作車轅店淨車廠今俗名車

輪箭衕衕而伽藍殿之名無所考

安定門大街 安貞門卽今安定門外北土城關非今

城東隅也此誤又丹桂坊亦當在安定門外

南醋兒衕衕

黑芝麻衕衕 明坊巷集作何紙馬衕衕

眞武廟衕衕 眞武廟與步軍統領署鄰均在帽兒

衚衕非別有眞武廟衕衕此誤出

南鑼鼓巷 坊巷集作鑼鍋巷

北兵馬司衕衕 大學士諡文恭靈桂第在此志失載

秦老衕衕 坊巷集作秦家

大小局兒衕衕 止有局兒衕衕小局兒衕衕無大局兒之稱宜去大字大學士諡文忠榮祿第在此志失載

東直門大街 和親王府在鐵獅子衕衕鐵獅子東口外街東卽白廟北卽北新橋府已見前鐵獅子衕衕

此不必復出宜刪

又巴都禮下衍封字

梁家灣

頭條衚衕二條衚衕三條衚衕 此地今俱呼爲交道口頭條二條三條則宜繫之交道口下蓋交道口者東直安定二街之十字路也若梁家灣則小巷名知者甚少此漏載交道口而以頭條二條三條繫之梁家灣下兩失之

二條衚衕

范家大院卽范文肅公

文程第

金太監寺衚衕

鼓手衚衕坊巷集作箍梢並非俗譌

蓋北人謂水桶曰稍箍稍卽箍桶也

王大人衡衡 大學士福文慎 錕 第失載

又引嘯亭續錄下案語理王舊在德勝門外鄭家莊
云云按至今理王後人仍居鄭家莊已儕於齊民矣
前後永康衡衡 坊巷集作永康侯

銅廠

羊館衡衡 坊巷集作楊二官

鍼綫衡衡 坊巷集作鍼匠

昂邦章京衡衡 按國語按班者大臣也非子爵之
稱子爵爲精奇尼哈番此地名按班張衡衡本無京

字想初必有大臣張姓者居此故名此改爲昂邦章
京雖云本之王漁洋諡法考然而全出附會矣

頭條二條衚衕 引天咫偶聞云松文清第在二條
衕衕不知乃交道口二條衕衕非此地相去甚遠又
此地有大草廠失載

卷七

正陽門外大街 趙慎畛榆巢雜識京城九門增修石
路自乾隆三年始此漏引

又燕石集所云麗正門乃元代之門於今之正陽門
無關似可刪去

東河沿肉市 引藤陰雜記康熙末年酒園也酒園二字甚新原文但云今考諸園俱廢查樓僅存木榜此所引與原文大異若係亞谷叢書語則不當入之藤陰雜記文中

鈔手衙衙 吉安會館下案語此事已有人辨之內城文丞相祠僅屋宇一楹其西卽府學斷無處能容一會館地則夢餘錄所載正未可信況本有鈔手衙衙會館旁之祠乎流賊入城本由廣寧門入宣武門甲申傳信錄言之甚悉曷嘗入正陽門則忠肅之由會館趨正陽門門閉不得入正合事理況明代京官

入朝皆入公生門無入東華門者其趨正陽門亦常
日入朝所必由之路若由府學衚衕南趨公生門不
得入而再返府學衚衕往返且二十里矣然則忠肅
所殉或竟是外城吉安會館戴說固不誤也

鸞慶衚衕 鸞慶坊巷集作樂敬

西河沿 北河沿近城門並無貫市之名此似誤以李
光裕標局人稱爲貫市李家而譌貫市乃京北鎮名
地近沙河李光裕局家在焉故人呼爲貫市李家貫
市李之名聞天下其京局卽在正陽門西城根此蓋
誤以鏢局之號爲地名也

又洪家書鋪順治十八年搢紳係潘文勤所藏此未
明晰所以然則似洪家書鋪惟實順治十八年搢紳
矣

大齊家衚衕至甘井衕衕 自大齊家以下九巷爲
句闌瓦子聚處疑雨集所謂曲折衕衕到九條者或
指此又掌扇衕衕坊巷集作張善家

永定門大街 帝京景物略京師七奇樹天壇拗榆錢
居其一他榆錢於春而天壇之榆錢於秋今不聞尙
有之否此卻漏載而七樹之中今惟臥佛寺娑羅二
株無恙耳則人所共覩者

崇文門東夾道 萬神寺誤萬福寺淨度寺誤浮度寺
戶部拉口 虎呖喇雀名本蒙古語也或云卽胡伯
勞此巷名所由非譌也若戶部拉則眞譌矣

花兒市大街

史家衚衕 隆安寺舊聞云萬厯乙酉僧翠林修寺
後閣崇禎元年僧大爲立此未引

廣渠門大街

三轉橋 雙馬莊坊巷集作雙河莊此乃因舊聞者
之誤

霍家橋 法藏寺帝京景物略景泰二年太監裴善

靜修之更名法藏北地多風塔不能空無可登者法藏寺彌陀塔獨空中可登此漏引

左安門大街

興隆街

伊兼五

福訥

安化寺看竹詩云千竿修竹

古城南竹下精廬六月寒藤杖叩扉鐘板靜天風吹

雨落齋壇又成雪田

桂

有同傅凱亭樂匯川安化寺

看竹詩云愛此青竹竿鐫詩向寒翠風雨半秋中都

成科蚪字是寺中固多竹也又李世倬有同馬匯川

南臺寺食同蒿詩見天咫偶聞此皆未之及

卷八

興隆街十條衚衕 引野獲編案今本無此條不知何
所本卽如其說則與今人指繩匠衚衕爲嵩故居者
大不同矣且全楚會館亦無從指實其地則此說但
可存疑何從知爲草廠十條而載於此乎

草市

估衣市 引帝京景物略漚臺鳧樓船橋魚龍亭諸
勝接景物略原文作亭如漚臺如鳧樓如船橋如魚
龍皆形容之辭非真有是名也其實可以不必引今
引其文而改之以致顛倒錯亂不知所謂

又李園按語云云考帝京景物略特載是園於法藏

寺明因寺之閒當時出於目覩況吳維英詩所云村
店青帘者景物略已明言爲園中之酒肆若云背城
者卽指內城而出郭者亦內城之外耳宸垣識略謂
今東小市卽其遺址此毫無可疑乃案語謂背城出
郭不得以內城當之其地當在今東城之外此語全
出臆造反謂舊聞識略爲誤何也

小橋南 姚斌關王廟天慶寺今皆無恙不知此何
以云圯

又今絕無向金魚池走馬者蓋國初已來此風久歇
矣所云今猶然者止有種魚耳惟天橋有跑車之舉

亦出於羣不逞之所爲

上斜街 顧俠君一條不知所引何書藤陰雜記無之
所謂余者亦未知何人

老牆根 按西域初定回族編鑲藍旗有牛祿後廢
此失考

報國寺東西夾道 毘盧閣案語云云舊聞考已云毘

盧閣久圯此云嘉慶閒折修乾清宮未免失考且嘉

慶閒並無修宮事至小閣三閒乃祁文端雋藻所建

文端居四眼井去寺不半里杖履恆經也此失載

卷九

廣寧門大街 金城正西門名彰義者去此甚遠今右
安門外豐臺西去有地名麗澤關卽金代西面近南
之門從此北去始爲金之彰義門去今彰儀門十里
之遙矣此彰義門乃明代築外城所名此誤合爲一
西甌兒衲衲 元納新誤作延

又蘇靈芝寶塔頌今嵌寺左廡壁上其碑於寺名年
號均有磨改痕則開元順天之名蓋安史平後後人
磨去矣朱竹垞有跋此漏未引

又延壽寺引元一統志云云以此考之則宋徽欽北
狩所居延壽寺在憫忠寺東非今延壽寺街之寺決

矣

聖安寺街 引舊聞考宋顯夫詩李宸妃像卽析津

日記所載今刪去日記語此詩遂成無著

又案語宸垣識略云舊有三世佛像三尊今移靜明園供奉又旃檀銅佛像一尊移寧壽宮供奉旣曰旃檀銅像則非鷲峰寺之像可知此未能分晰

牛街 長生觀愍忠寺記門臨康衢乃遼城之東北門豐宜門乃金城之東南門遼城在金代爲內城內城之東北門與外城之東南門相去甚遠況曰豐宜關則又在城外則長生觀當在今豐臺之南去長生

觀遠矣此失考

南燕角 行國錄寶應寺相傳唐刹也今惟存萬厓
王寅所立一碑按舊聞考寶應寺在教子衎衎之西
南地名燕角萬厓中碑乃翰林院編修顧秉謙撰今
尚存此遺之未載

右安門大街

白紙坊 引析津日記所建佛寺下原有舊址建寺
四字今刪去四便遺卻重建一節

又青松紅杏卷於庚子之亂失去不知歸誰氏矣

卷十

五斗齋衎衎延壽寺街 以前西甄衎衎條下考之則
聖宗所幸之延壽寺在彼不在此此條當移彼

韓家潭 引天咫偶聞符右魯事此條實湖海詩傳
小傳語不如仍歸之原書爲是

梁家園 前西甄衎衎條下案語已知遼金都城爲
明嘉靖中築外城收其東南一隅此最爲確此案涼
水河云云又疑廢城遺蹟之未足據真所謂自生障
礙者也天咫偶聞中有圖考

又引篁墩集云云按此又一梁家園非今地也當在
豐臺見日下舊聞此誤引

南河沿

海波寺街

引寄園集于章雲于作於

又引藤陰雜記宏敞二字雜記作於嘉慶中原文自應作宏乃必欲改爲弘不知何意又余姓誤作余往永安寺中街 納新誤作延

驛馬市大街

潘家河沿

引鐵槎山房見聞錄此書爲文登于蓮

亭克襄著今此作但云蓮亭名克襄文登人於上文不接令閱者不解

米市衢街

引藤陰雜記沈白漚誤作曰漚又宏字

作弘謨同前又吳恭定謨作恭宣

又米市衚衕潘文恭

世恩文勤

祖蔭祖孫居此第在

衕衕之極北路西對門爲際會堂此漏去

繩匠衕衕

有大學士李文正

鴻藻

第此失載

南橫街

南堂子衕衕

引求是齋詩集此多氏園卽豐臺尺

五莊本不在此此誤

又引祝家園祝家園實在崇文門外板井不在安定

關西北音祖祝二字亦絕不近此全出附會

又白鶴亭

衣保

有秋日同戴通乾方充宇國天峰出

右安門訪明復庵共游赭園詩是右安門外又有赭園也此漏載

黑陰溝 引藤陰雜記陳說巖說誤悅又亭前廊以軒楹廓誤廊

又案語引江藻詩序京西南隅誤作東南隅

舊坊考引夢餘錄南城原作舊幽州城又及原作卽又保大坊誤泰 安富坊誤福 阜財坊下漏去咸宜坊 靖恭坊夢餘錄作清泰

又副都指揮下脫知事二字

又注中日照坊考五城坊巷集有日忠坊當卽日照

坊二者必有一誤

又據明倫彙編家範典

宜氏一說法以

又於大統萬卷

善世表後

又據國朝

傳

又據

又據

京師坊巷志考正